

雙

硯

齋

詩

鈔

雙硯齋詩鈔卷三

江甯 鄧廷楨 解筠

玉泉院三首 丙子

繚垣低連蜺曲廊深窸窣樓頻平川遠山壓孤亭小微
風生古木薄靄暗疏篠來游及青春光景媚清曉嵐氣
不可逼仙掌視縹緲安能躡蓮峯長嘯出塵表

玉泉聲潺潺直向螭口瀉雹霰落空際琴筑響階下文
螯碧苔淺小杓斷虹跨灩澦鑑毛髮蜿蜒過廊榭巖杏
含新苞照影弄嬌姘我思酌匏尊更向道人借

希夷闢洞天雲護石龕邃青牛入關後復此仙跡異墮

驢有眞識化蝶示幽寄巾拂無纖塵鬚眉映空翠我欲從之遊窺破元關祕先生爲余言能覺乃許睡

玉泉院東楊氏園林

名翼武官甘肅循化同知

曲徑蒼簷暗修垣薜荔封疏泉留五畝開閣納三峯濁飲前邨酒清聞隔院鐘吟輦成小憩此境稱疏慵

謁西嶽廟二首

西灝聲靈掌白藏巍然作鎮炯神光星連井絡諸天近脈鎖潼關大地長瑞輯三公周望秩柴燔八月舜巡方秦祠漢時知多少都與煙雲付渺茫

巨靈掌跡抱雲臺祕殿高迎曉日開斷碣年從皇古辨

清鐘夜自上方來
擎雲樹老青牛繫
禮斗壇虛玉女回
此地長生誰解學
九衢車馬正如雷

溫泉題壁三絕

羯鼓敲停蔓草生
故宮何處認華清
祇今山下泠泠水
猶咽霓裳斷續聲

豔說春寒賜浴時
君王有詔洗凝脂
當年若懍傾城戒
合誦周南澣葛詩

略似江南水竹邨
丁香木筆各當門
韭芽嫩綠芹芽白
翻透春泥土脈溫

長安令張新橋將汰食客友人陳兆蘅亦在遣中

口號一絕爲之道地

杜甫千間廈不虛
荊州盈尺地還餘
從來寒士生涯苦
莫下秦關逐客書

甘泉道中三首

曉行露重欲霑衣
确犖荒畦宿麥稀
角雉一雙驚客過
戛然衝向馬頭飛

節屆清和歇眾芳
深山纔得見春光
黃薔薇似粉胡蝶
傍著幽巖自在香

金盆灣底露澄潭
淺草叢蘆一鑑涵
作陣鳬鷺驚飛拍拍
卻疑煙水似江南

詩藁失去惱喪者數月頃忽得僕人姜祿者抄藏一卷乃全帙也喜而有作卽書與之

意外相逢見故吾一番開卷一盧胡說詩豈是康成婢識字居然穎士奴自笑千金空享帚也同合浦竟還珠此編回付知珍惜不遣元文再覆瓿

賦齋中芍藥索同人和

去年花發延州署今年花時朔方住

榆林隋爲朔方郡非漢朔方也中

閒半載羈青門往返廊坊千里路人生蹤跡那得知政類風中掣飛絮有花且作盡日賞莫令韶華等閒度邊城氣冷春事遲五月纔如三月暮長安陌上久狼藉此

地初看萼銜跗似留春色待主人主人不來春不去三
日暖風口欲笑一番微雨芽愈怒西齋數枝已綽約東
鄰千朵益嬌妬凌晨翦取親送將熠熠花光泥朝露黃
沙滿目條觀此合使燕支山色妒譬之鳩盤魔母城忽
覩珊珊姹女步珍重恰宜髵几供愛憐更遣紗籠護中
庭玫瑰火齊發拱向有如附庸附聯襪來觀集賓客鬪
酒徵詩各成趣夜闌有夢到江南櫻筍鱗魚渺何處

西園消夏十首次壁間韻

郡署廳事之西偏小園五畝老樹十圍黃花散
金碧泉瀉玉茅亭頗乎清沼射圃帶以繚垣用

資歎歌聊遂偃仰洵邊城之勝地宦海之奧區
矣前權郡事李君景蓮賦詩十首泐石一方光
景如新莊雅可誦積之來此既樂民氣之淳又
值歲事之稔每當暇日輒復窺園縱遐矚於風
晨攬清輝於月夕幾叢葵菊手灌羅含之花滿
架瓜壺親嘗庾信之榮爰托翰墨以誌賓僚卽
次李君韻得如干首

樂歲欣多稼清時省禦邊人閒消夏易地迴得秋先就
樹低支屋開池細引泉案塵曾不積鎮日手吟編

習靜從欹枕安心學掩扉民淳符牒少境僻送迎稀豆

焚含煙老松釵裊露肥殘春猶未了開到野薔薇

山小指筇便廊虛步履寬應劉皆座客屈宋是衙官

杖生

任軒兩尹
皆雋才也

鬪捷頻敲鉢忘形不整冠倚闌何所事隨意

把漁竿

聽雨心方喜看雲意不居草深時吠蛤水淺仁通魚鴉

鵲供鋤藥烏皮好曝書苔痕兼樹色分綠到階除

城遠排烏堞山明聚白沙危橋通鴨路密樹列蠶衙雅

譚牙霏雪微醒臉襯霞小亭孤坐處錯認是山家

未得辭塵網多慙費俸錢青琴新月下白袷晚風前烹

茗常支竈栽花當種田餘糧堪卒歲更擬飼胎仙

清景眞無那幽懷得未曾射墀懸古木衣架藉枯藤泥
暖纔巢燕風涼詎集蠅北窗容午睡短榻祇穿繩
未許門如市何妨甌有塵心清從不熱性定漸能貧讀
畫無寒具敲碁稱幅巾忘機禽鳥熟故故解親人

活水多於地垂楊嬾似人開尊評酒聖掩卷祭詩神靜
坐知長日餘芳惜晚春清鐘何處動山寺是比鄰

飽噉一升飯閒挑七種蔬長齋多至味小住卽吾廬暮
靄沈孤塔清音瀉碧渠所欣甘雨足到處事耕鋤

紅山市

紅石峽明馬市也今土人以五月十三日集此購蒙古馬呼爲紅山市

紅山峭壁倚天立外枕河隍內巖邑牧馬健兒不敢窺

卻驅羣馬日中集平沙細草明朝噉旂裘首長如雲屯
奚官距踊與阜喜出手買得驪騮驪我思有明初失政
倒持太阿授人柄籌邊計拙軍益孱款貢盟成虜彌橫
賂賞百萬中朝頒債帥閹狗相爲姦但聞貂錦喪瀚海
豈有騏驥充天閑方今

聖武一中外贊普烏孫奉兩戒講求馬政宣

皇威眞覺唐家八坊隘龍顙鳳頸驕且獐渥洼神駿應
運生金羈玉勒爛錦繡奚假驚下來邊城年年一闕開
山市執鞭半是農家子卻馬以糞古所稱非爲沙場求
騷駉塞垣五月風雨和賣刀買犢今年多關門暮色蒼

然至滿耳歡聲敕勒歌

雨夜獨坐

常苦懷人對明月，那知無月倍淒清。
迢迢夜意共誰語，冉冉年華空自驚。
珠箔相望動千里，鐙花亂墮欲三更。
將書引睡不成睡，窗外曙雞時一鳴。

登鎮北臺

在紅石峽東明延綏巡撫涂宗濬建

三邊烽火無驚日，我輩從容上此臺。
震耳河聲穿峽走，盪胸雲氣壓城來。
平蕪壁壘軍容在小隊，弓刀獵陣開
盛世未應忘設險，登壇飛將要儲才。

異俗二首效工部俳體

地廣惟生黍天寒晚種麴

邊地苦寒隔年不能種焉

塵牀皆

火宅

民間無寒暑必卧煖炕

華屋卽山邱

沙多樹少不能庇材人皆穴處

腹有萬

羊福

比戶食羊冬後割宰日以千計

身披六月裘

民貧者止羊裘一領夏則以毛向外

中尤怪絕痛哭作春游

佳時令節婦人出游往往哭於郊外

曲突纛房列

居人有一屋卽有一炕出煙之突羅列牆外不可勝數

比鄰鼠穴通

城中居民一宅必居數家不分院落

跳神喧敗鼓

延巫祛病謂之跳神

澆鬼挈漿筒

俗以六月六日煮豆漿澆墓名爲解熱

是水偏名酒

列肆造水黃酒惡劣不堪飲

多魚

卻喚蟲

江鄰幾雜志范希文行邊至水濱從者曰此水有蟲范曰不妨我卽食蟲今河中頗有魚土人

不敢食也

焉支有顏色裏向額邊紅

婦女悉以紅巾蒙首

前詩謔而虐矣茲述其風土之美者復得二首

公府稀投牒

俗不

邊氓半荷戈

居民半

弄珠遊女少

婦人

出則由僻徑行不行

通衢猶有避道之義

縛袴健兒多

人知義勇 鯁腹甘蔬

水鵝衣謝綺羅

服食極儉黍飯一

孟布衣一襲而已石田春雨後好聽飯

牛歌

鶴燄明千炬

元夕滿城張燈或積石炭

龍泉潤萬家

東城

龍王泉清冽涌溢穿

渠挹注萬戶資之

香花精舍潔

城中梵刹以百 鼓角

戊樓譁

大街轟五樓製極壯麗足

稻隴分秧馬

西南郊

頃遍種稻杭行其野者

悠然有江鄉之思矣

芹河理釣車

食 耳踏青人挈榼山色麗丹霞

紅石峽襟山帶

六月十日同人燕飲簡廉堂入夜大雨醉後走筆

銅斗高歌柘枝舞，咄爾次公何足數。
麴車推倒糟牀乾，酒氣蒸爲一天雨。
頽雲壓屋風撼柯，珠跳箭激傾銀河。
滿堂酒人絕不顧，碧筩疾卷如翻波。
丈夫得志合乘傳，安能蜷局作幕燕。
揚眉便欲吐澗虹，放眼猶當爛岩電。
客言此語殊不然，有酒且醉醉且眠。
今年雨足酒價賤，畫叉早辦青銅錢。

憫雹行

大麥芄芄飽垂粒，小麥幪幪遍原隰。
嗟哉吾民到口不得嘗，頃刻天公與收拾。
黑風卷地黃雲俱重陰，脅陽飛冰餘何物。
蛇醫劇爲厲搔首欲問李，左車麥黃不收威。

已酷禾枯不長生益感遙觀隔隴正腰鎌自守空場向
天哭長官忍淚去勘災哀聲一路隨車來亟語吾民勿
復爾乃公爲爾籌種子借得種子重翻犁秋來尙望良
苗齊天乎天乎從今好風雨請看吾民如此苦

夜意二首擬玉溪生

銅壺珠箭漏迢迢偷倚新聲和洞簫大婦流黃中婦瑟
潘郎絲鬢沈郎腰迴文細織三千字素魄高懸廿四橋
翦燭西窗情話久海紅深護篆煙消

羊鐙低傍雀屏安羅幕風生半臂寒翡翠釵茸銜紫鳳
芙蓉鏡匣舞青鸞酒能作病猶微醉花解忘憂要共看

推起紗櫳望牛女紅牆隱約斗闌干

閏六月一日作

駒陰半載去悠悠彈指空驚歲月遒一葉桐生剛象閏
七番萸茁未成秋池光濫濫和雲活花種離離帶露收
邊塞從來無溽暑不妨火繖暫淹留

西齋雜詩八首

雜花幾朵瘦鈴坼自有幽香散滿庭偏是關心陳伯玉

謂純甫

朝朝帶露課園丁

一灣流水響琤琮穿過亭西小石砭別有江鄉風景在
水荳花底鴨雙雙

僕姑小箭綠沈弓百步居然入彀中莫笑書生雞肋弱
近來能控玉花驄

薄暑輕寒過雨天紵衣重曳欲裘棉篋中團扇添新怨
不到秋風已棄捐

邊城六月未嘗瓜小雨荒畦長蕨芽一飯晚來清味絕
吳興白苧建州茶

陰陰灌木長莓苔亭榭無多掃徑來爲要清宵佇明月
疏林缺處築平臺

日日廚人手撚蔬今宵小饌勝花豬髯參軍有漁童在
釣得芹河二寸魚

偶將消夏比消寒近局頻邀入夜闌親製牙籤宣酒令
那須絲竹助清歡

喜雨再疊前韻

郊外兒童聯袂舞五風十雨從頭數連日濃陰壓沙磧
又卜龍公釀新雨斜紋細織霏庭柯不須急陣驚翻河
高屋淋浪瀉繩溜小池潏灩生穀波繡衣使者事輶傳
時觀察清公方赴綏德勘電災我乃棲遲如廈燕漠漠煙中聽殷雷參
差雲罅看飛電空齋入夜轉蕭然起剔殘釭洗足眠明
日遊山乘曉霽賓僚疊騎跨連錢

西郊觀稼

騎馬出西門信步過沙觜沙深禾自幪莖葉各尺咫垂
垂吐香穗顧之色然喜野人爲余言茲地安足齒平川
有膏腴較此乃倍蓰導余西復西去郭十餘里陂原帶
榆塞方艸薈芹水稱心足秔稻障眼紛秬秠蕎花臘雪
白稷穗晚霞紫鋤犁集丁壯饁餉喧婦子老農負手歎
十年不覩此跪拜迎使君阜蓋聊一弭好語相慰勞爲
爾歌樂只僕夫促歸鞭阡陌望迤邐炊煙溼不上激湍
清見底一羣鷗避人兩部蛙聒耳卻憶大江南蟬鳴碧
粳美鄉心已飄然況復秋風起

月夜

雨洗皎月出照我池上亭
裊裊相媚嫵三五明疏星
古來苦征戍落日悲風腥
笳管悽以楚壯士安可聽
故鄉渺天末對月常涕零

清時塞塵靖草出關門
青月是古時月今夕何偶
停坐有素心人笑語忘
邊庭秋近漢耿耿夜靜
花冥冥涼意襲羅袂邀
月傾銀瓶

雄石峽次壁間馬秋藥學使韻

穹崖峭壁倚天開
犄角遙連鎮北臺
榆樹塞環羌部去
胡蘆海入漢關來
雄風列隊呼鷹起
落日旂酋市馬回
款段未妨歸緩緩
時平不用暮笳催

閏六月十五日立秋集簡廉堂疊前韻

羣仙暫罷山香舞——時光僂指數已過連番舶趁風
更經幾度濯枝雨井梧——葉先辭柯玉繩耿耿隔銀河
三千世界澄新霽百八韶華委逝波淺斟不誦五斗傳
嘉魚可作嘉賓燕此日邊城小聚星諸君逸氣輕追電
子夜晴輝最皎然虛堂圍坐且遲眠眼前明月清風在
玩賞何須費一錢

後憫雹行

朝綠野暮赤地一飯未終死生異東同穎西平蕪兩家
相比歌哭殊往年天慳雨不落今歲雨多民正樂雨勢

方作雹忽來助虐更有風與雷前番已令心膽碎一之
爲甚其可再焚香籲天天不聞萬山岼嶴堆頑雲我考
大戴記陰之專氣雹所致又聞申豐言固陰沍寒雹不
繁蜥易銜冰事譎詭陰能薄陽說近理

聖人在上欽當陽戾氣安敢爲民殃毋乃守臣不盡職
坐使飛災勝蝱賊高原立馬聞哀聲憂思憤懣心忤忤
安得錢王乞與三千弩不射潮頭射白雨

詠鐙四律和門人屠

可標

作

茫茫煙水暗斜暉瓦缶然脂暎釣磯風到江心千點動
雨昏沙觜一星微光從簪葉低篷透人認蘆花斷岸歸

兒女團樂圍坐處
飮香同飽鱸魚肥

魚船燈

熒熒如豆角巾斜若箇離家不憶家
黯淡孤懷兼夜意
伶俜瘦影獨天涯
紙窗碎補當風力
金粟輕挑逗月華
翻料玉釵紅燭底
苦將歸信卜燈花

旅館燈

插架牙籤煥陸離
短檠雙穗漏聲遲
餘光隱隱匡衡壁
寒影深深董相帷
一代文章爭氣燄
十年甘苦訂心期
倘逢太乙然藜照
莫忘聞雞起舞時

書舍燈

刀尺聲中夜漏長
蘭膏漾碧照殘妝
煙濃頻遣雙鬟剔
風起難消半臂涼
爲愛生花燒橄欖
卻憐對影繡鴛鴦
錦帷臨睡還挑起
篝冷重添一瓣香

閨房燈

月湖十景

月湖者四明城東勝境也屠生以所題十景小
詩見寄追念舊游恍惚如夢秋窗無事依次和
之此心飄然已在湖頭艇子矣

蘸水魚苗上挖雲燕子歸三眠花似雪祇傍嬾堂飛

柳汀

玉屑沁寒煤瓊霏壓香茆記得五年前留下飛鴻爪

雪汀

一道裙腰展波平斷岸東年來依舊綠只是惱文通

芳草

洲

錦障列湖濱宛轉浥朝露伊人不見來獨立秋煙暮

芙蓉

洲

賀監祠邊路陶潛徑裏香寒泉時一薦應配水仙王菊
洲

纖雲媚春宵薄霧斂秋夕迴櫂度虹橋涼波掠天碧月

偃蓋轆屈盤直幹森料峭濤韻答泉音疑作蘇門嘯松

晚晚春將半香熏白袷衣落花流不去網得鯊魚肥花

深隄長幽篴照水橫藻荇彷彿到吾廬萬个弄清影竹

蒼靄淡於雲中有幽人住打槳過前灣但辨煙中樹煙

九日偕同人游雄石峽歸集簡廉堂賞菊二首

雲氣蒼黃未放晴憑高一瞰受降城獐河浪急沈魚影
駝嶺風寒度雁聲天到重陽秋黯淡人臨大漠意崢嶸

便思盤馬彎弓去獨傍山陰射虎行

蕭散詩情儼和陶小軒霜萼供周遭花雖瘠土枝猶勁
酒爲豐年價不高寒甚未容誇落帽醉餘空自憶持螯
故園三徑眞辜負何日重刪仲蔚蒿

菊影和魏任軒

莫道容偏澹翻嫌畫未眞蕭疏初倚壁偃蹇不隨人屏
暈霜痕淺籬邀月色新北窗陶令卧知爾最相親

坐客歎無蟹作此廣之

菊花不須擔頭買酒錢不須杖頭解彈鋏幸免歌無魚
作郡復思求有蟹得隴望蜀胡弗廉予齒去角安能兼

方物從來限南北老饕肆欲何時厭君不見沈昭略生
長東隅惟嗜蛤又不見劉器之山中未識玉版師海邊
江珧稱第一塞下駝峯眞獨出蜀都但解誇荔支上林
幾曾植盧橘我聞蟹種十有二望潮擁劍各殊類覓食
常依蠓蛄藏辨形乃與螭蜺異江湖使者來輪芒渾身
玉質兼金相九月輕霜逢稻熟一尊新釀伴橙香坐使
盧純畢卓各傾倒作贊披圖爭品藻清江明月吟涪翁
斫雪含黃醉坡老無奈茲物自古關中無瘡鬼避之蹶
且趨寒沙衰草愈絕跡當食而歎毋乃愚我今爲君數
典譖郭索請君聽之便當屠門嚼

哭王燬青姊壻卽送景階甥南歸二首

江干別後各風煙
竟下巫陽意惘然
蚤歲功名成畫餅
暮年生計失青氈
誼兼師友情尤重
亡到人琴涕欲漣
痛哭吾家賢德曜
已先卅載閉重泉

臨歧渾淚語孤兒
汝是千鈞繫一絲
黃口要知憐弱妹
白頭須解慰重慈
家無儋石思成立
途有風霜謹護持
保抱提攜吾不負
斯言先報總帷知

九月十八日立冬夜分大雪越日未霽用坡翁雪

後書北臺二首韻

初看妒月片雲纖
漸怯迴風閉戶嚴
侔色待抽梁苑簡

無聲旋撒謝庭鹽稱身老我思披氅點額何人正卧檐
一甕冰蘄嫌味薄薑芽更想試柔尖
幾行銀樹曉嘒鴉忍凍開門羨麴車春色何曾輸柳絮
寒香卻恨少梅花衣霑碎玉疑唐省帳掩銷金笑黨家
擬控驕驄覘瀚海長城路已沒三叉

讀劍南集題後二首

集仙題罷狎輕鷗逸興眞堪跨九州投劾便同狂客隱
收京頗有少陵愁惠風修禊蘭亭會細雨騎驢劍閣秋
事業若教能藉手龜堂應不老菟裘

自古風人重忠愛故應橫槩中興年一生意氣思磨盾

半壁雲山付擘箋
蓴菜楊梅甯負腹
林逋魏野漫齊肩

趙家壇站

幾餘定配食惟從玉局仙

乾隆御選唐宋詩
醇於宋止錄蘇陸二家

于役神木輿中作此

磧邊殘雪卷成堆
澗底寒冰踏不開
一隼獨摩荒壘去
羣羝齊下亂山來
年豐儘有糧栖畝
日暮休辭酒泛杯
卻憶江南行客好
梅花萬樹及春回

時王錫景
階方南下

途次大風

征衣犯嚴寒正苦
霜威肅屋頭怪鴟叫
岩下老駝伏
圍人爲余言風信出空谷
須臾發噫氣怒號徹灌木
騰疾

不著鞬虎飛待食肉車帷劃然裂片片如敗穀砂石橫
空拋鈇鉞如利鏃力厚山可移道遠地難縮憶昔上春
官驅車岱宗麓飈輪儵忽遘僕馬各殽觫於今十六年
光景一何速驚魂尙廩廩塵夢眞鹿鹿落日銜半山急
假驛館宿新月挂銀鉤一笑豁雙目

會勘蒙古獄簡富司馬

兆

兼示縣令

殊方皆赤子敕罰要矜疑重譯詞難恃

蒙古言語不通問對皆藉通事

諸番志易欺聽宜兼氣色獄莫久羈遲威惠

中朝大須教絕域知

牛角灣寓舍見新月用東坡定惠院寓居月夜偶

出韻

孤邨暮色蒼然來黯黯一鐙照初夜厭聞馬蹏蹴檻上
喜見蛾眉落岩下輕陰悄共珠斗轉寒光低與玉繩瀉
蘆管何處參差吹柳絲半庭宛轉亞微雲纖纖豈受滓
殘雪皚皚尙許借小時不識渾憶李千里能共敢嗤謝
寂寥荒店無更籌綽約虛窗忘傳舍徘徊不畏膚起粟
倦戀有如味餘蔗素蟾殢人信堪愛白駒過隙亦可怕
詩成咳唾且莫題浣壁書牆恐遭罵

讀李義山詩偶書二首

弱冠才名祕省標宏農調後漸蕭條京朝排擠傷鉤黨

粵蜀飄零老幕僚祭獺文章終底用靈犀心事亦無聊
千秋欲共劉蕡哭魂斷巫咸不可招

漫道西崑格調新寓言十九辨宜眞怨工小雅思君子
情託離騷說美人老筆杜陵傳嫡派驕兒白傳是前身
玉臺新詠金荃體莫把牙籤一例陳

駝毛褥

榆城苦寒以駝毛代絮製褥極賤而奇溫佳品也

勻鋪碎翦掇翻新錦段龍鬚未是珍毳抵黃縣成妙用
峯高翠釜記前身幾年脫盡穹廬雪八尺蒸回斗帳春
羔酒乳酥微醉後酣眠應不羨花茵

趙婕妤

昭陽殿裏疑神仙昔日擁背今隨肩貧賤舊恩豈足恃
可憐作意相周旋君不見新加大號中宮坐三十六物
遽稱賀枕前珠已助后妍石上華猶誇姊唾

十月十九日復雪疊東坡韻

化工隨意賦穠纖頓覺諸天色相嚴壓竹定疑拋籜粉
烹茶未許人薑鹽瑤花匝月重生砌冰筋含風早挂檐
繞郭坡陀何處是卻看鈴塔聳孤尖

款貢城頭急暮鴉使君乘興且停車塞山全失燕支色
邊樹多開粟玉花沙磧伏駝迷客路酒壚駐馬有人家
今宵白戰知誰健撥盡寒鑪手自叉

寄董松門

我所思兮在五羊渥洼駿骨森開張
卿嬖祕笈宛委藏
排列杜庫堆曹倉三年堅卧羅浮旁
上計不踏槐花黃
知君樂志非清狂要補束皙詩六章
橋衡奉席升高堂
執爵稱壽斟鴛漿觥觥至性儕黃香
豈但彩筆誇江郎
憶昔同住枌榆鄉小樓聽雨時聯牀
看君冷面凝秋霜
結交不隨人低昂顧獨好我推秣稊
知我慵爲時世妝
興酣落筆輸君強凌轢鮑謝驅王楊
我欲從之走且僵
縱有所作慚蛩蛩君乃愛誦音琅琅
居然擲地金聲鏘
年來離索如參商雙鯉尺素頻寄將
珍珠密字烏絲行

擘箋苦短緘情長勉我樹立爲時望披函百讀意慨慷
縱觀宇宙何茫茫得一知己傾衷腸獨恨羈宦守朔方
瑟瑟天末西風涼之子不見心徬徨起視南斗生寒芒
投詩亟附賓鴻翔君當報我以錦囊相期努力揚芬芳
道之云遠毋相忘

夢花篇

雲母虛窗瀟新月重衾如鐵寒侵骨宵分忽夢萬花開
姹紫嫣紅一齊發洛陽深巷女兒家八字羞眉雙髻了
挑起紗籠教一見果然人似夢中花正好年華過十四
春愁不解縈心事但許流蘇翠幃迎敢辭錦瑟青衣侍

小步蓮花阿母扶是眞是夢轉模糊含情乞與金條脫
惜別攜將玉唾壺晨妝掃黛安黃子斜倚熏籠香靡靡
顧曲慵教搯鳳笙樵書笑請鋪蠶紙我有江南十畝宮
天桃穠李豔東風他年大嬾偕歸去織罷流黃賞茜紅
歲莫赴省途次閬川值雪卻寄榆關諸子

亂石攢峯勢平沙感浪紋飄空猶臘雪出岫已春雲客
路迢迢遠年華冉冉分一番離索意愁煞杜司勳

雙硯齋詩鈔卷三終

雙硯齋詩鈔卷四

江甯 鄧廷楨 嶰筠

元旦夜發中部大雪再疊東坡韻

丁丑

又趁東風玉屑纖白毫妙相現莊嚴潔如金井初堆麪
淡似蓴羹未下鹽夜色難分迷枳徑朝煙不上壓茅檐
山行最怯春冰滑暗數嶢嶢第幾尖

列炬林間散曉鴉祥雲一路送征車停驂且醉屠蘇酒
霑袖何殊綵勝花麥隴紛騰豐歲兆桃符點綴野人家
媿他驢背尋詩者占斷風流入畫叉

耀州喜晴口號

十日陰雲墨作堆，天風頃刻與吹開。
一聲鶻語當頭報，已出千巖萬壑來。

送純甫表兄奉諱南下二首

三載馳驅慣延州，與勝州青門纔憩馬。
白下又歸舟，紅葉山蹊晚黃花。
驛路秋陰霖如有意，五日暫攀留。
昔時辭甬上，我已恨終天。今日歸江左，
君空守墓田。弟兄同永歎，哀樂各中年。
亟訂重來約，相期芍藥前。

九弟省覲南歸賦此言別

鞭絲東去水雲鄉，爲補笙詩第一章。
縱我不能無別緒，喜君聊可慰高堂。
驕兒雖小宜嚴督，弱弟難馴要有方。

歸後平安須速寄報余修竹長新篁

初雪

揩眼四窗白隔年相見初飄從疏雨後集向晚風餘凍
淺尙抽麥寒輕纔壓蔬祥雲真應節時小雪前三日把酒一軒

渠

始冰

曉起人相語前灣見未曾鏤花猶細碎作意欲峻憎霜
信先期報波光一夜凝幽風農事畢取次賦藏冰

人日擬義山卽用其韻

戊寅

元正一日爲雞後數到靈辰春漸融荆楚人家挑菜節

壽陽宮殿落梅風
崔瞻宴罷歌詩豔
王母來時戴勝工
我是西京狂太守
止將油卜驗年豐

鴉

羣鴉如墨晚飛還
戢戢寒雲薄靄間
繞屋喬林三十樹
一齊點作米家山

喜內子病愈

喜卿蠲夙疾使我定
驚魂藥奏葠苓捷
春回草木溫起
居慎寒燠笑語自朝昏
庭下丁香發重開酒一尊

上元鐙詞三首

六街鐙火絢斑斕
款款花驄過市闌
拋卻瀛洲高位業

卻來塵海看鼇山

冰輪初上晚風和行過鐘樓勝景多一派歡聲知歲稔
連天金鼓唱秧歌

綠莎廳事百花攢曼衍魚龍亦可觀門外何須設行馬
春鐙原許萬人看

醉後戲贈汪平甫兼諗世之欲識平甫者

眼作秋水白面凝暮山紫盛肥李短兩無比自號縱橫
一萬里北入京洛西伊涼塵土萬斛緇衣裳裘不掩髀
屢決踵手拍皤腹神洋洋氣一肩酒五斗大呼饑渴繞
牀走鼇呿鯨吸酣淋漓舉座愕視相驚疑諸君莫嫌酒

肉臭吐作奇文買絲繡

題郝文甫上舍印譜

我昔挾筴遊京師好從人海搜瓌奇南錢

棧

北桂

未名

溪

一時善學漢碣摹秦碑擅場鐵筆繁爲誰有陳曼生董
小池數年雨散各路歧我亦作官錢江湄捧檄近向關
中移獲交郝賢才不羈曩者所識雖睽離君乃一手兼
有之响嘷古字齋曰詞腕底羅布如星棊有時抱石相
磨治快如劃沙如印泥我向君笑毋乃癡混沌何苦爲
書眉君言此事非畫脂倉史造字通神祇壽諸貞石乃
永垂奈何但解誇毛錐我聞此語心曠怡捉筆亟題印

譜詩金窠玉笈好護持子孫永寶如尊彝

刈麥詞四首

三月雨少豆花稀四月雨多麥苗肥麥秋但得十分足
那管豆棚朝露晞

去年八月雨淋浪今歲風吹餅餌香記得童時父老說

麥收祇要隔年塇俗呼地氣溼潤曰塇隔年塇者前秋雨足也按塇乃新耕土於義無取或
是湯字

阿翁曳杖田頭回阿婆炊餅滿甑開阿男今早趁墟去

請得腰鎌麥客來鄉人十百爲羣傭雇爲人刈麥謂之麥客

投牒人歸樂不支長官真是重農時昨朝放衙向儂道

許汝忙罷來對詞

鄉民以四五月爲農忙過此爲忙罷

張忠烈公破硯歌爲曹莪屺少府

偉皆

作

昔我改官守四明曾到南田渡滄海懸輿孤懸絕人跡
蒼茫疑有忠魂在歸來亟爲考文獻鮎埼南雷雙筆健
讀罷碑文與墓銘備聞蒼水揮戈願年來捧檄京兆驛
獲覲曹君四明客不寶君家黃絹碑寶此礲礲一拳石
自言此是蒼水硯喜向長安市上見細字猶餘刼火痕
裂紋閱盡滄桑變方公陟樞要此硯從公書制誥嗣公
籌軍旅此硯從公勞旁午迨公避遠島此硯從公抒翰
藻及公賦絕命此硯從公歎血性硯乎硯乎從公二十

載投鼠支牀節不改如何葬不殉田橫卻向風塵騰異
采初從吳山列肆得九沙跋語精可識再出青門貫白
虹直與秦碑爭古色乃知神物歷刼鍊石火電光頻示
現前有黃全後萬曹特付鄉人作紀傳我語曹君若是
真好事宜納西冷墓門隧不然龕之懸魯茅庵中看公
毅魄翩然至

夜起

斗室新涼夜啟扃披衣起坐近疏屏光生樹罅雲微破
潤到花稍露暗零亂柝聲如蛙閣閣長檠影似鶴亭亭
十年久斷西清夢齒冷塵勞學戴星

送汪平甫南歸

送客出東郭賤子意不怡聚首正云樂奈何遽別離別
離亦無奈贈言當箴規青門居一載名公爭繫維此行
作從事快若乘斑驩春明視從兄白下省尊慈明年就
省試不費舟車貲遭選太順適意氣宜自持居鄉已不
易况乃從臺司毀譽所易集守約毋猖披發言忌泛濫
立腳戒詭隨君才足蹈厲妙墨兼英詞所貴掇科第奮
跡乘清時奚爲務涉獵自矜林下姿名士古所誚畫餅
安充飢君體頗充悅顧盼生光儀蚤歲厯辛苦精氣恐
易虧眠食善自衛胡爲輕險巇加餐固所祝狂飲匪攸

宜惜惜哲人德抑抑賢侯詩馬卿快題柱董生深下帷
弩力復弩力青雲以爲期

七夕立秋

一帶鉞樓迤邐開笑看桐葉點蒼苔星橋乍接黃姑去
露冕剛迎白帝來隔歲佳期秋又到中宵涼意節先催
七襄新樣天然巧付與羅雲一例裁

題沈明府琮恆州迎養圖

古人樂服官志不在升斗直欲逮親存祿養供旨否沈
侯令恆州板輿入關右夾道歡如雷跪拜徧童叟賢母
顧之喜喜爲眾母母無何風木悲白雲忍回首再來宰

潼陽政成碑在口祇留畫荻書莫進介眉酒作圖屬我
題撫之黯然久我昔領明州慈母亦相守何期不再葦
丹旄歸隴畝祥琴忽在御捧檄復西走親舍竟安在生
意已無有與君如一轍雪涕呼負負感君有至性好訂
歲寒友相期寶鴻名母訓傳不朽

題看硯圖爲徐茂才

鶴作二絕

割得紫雲腴俾作龍賓侶著手幾摩挲劇於十五女
嶺外仇池石江天海嶽庵千秋眞鑒賞墨瀋徧東南

燕燕曲

杏花萬樹霏紅雨于飛燕燕差池羽東去無端學伯勞

歸來仍共雕梁語長安大道綺羅香天寶梨園舊擅場
喜有善才高弟子雙雙水調度清商韶年相若心相愛
桃葉桃根如姊妹傅粉熏香各性情推襟送抱交姿態
韋杜城南路狹斜五陵年少鬪豪華瓊筵月下銀箏馬
芳草風前金犢車誰知小宴剛飛璣引得東君著青眼
竟選王郎作部頭飛花從此晴絲綰花外銀塘柳外樓
樓頭竟日鈿箏篴輕韉窄袖新妝束脆管繁弦妙轉喉
反腰貼地驚鴻舞舞罷重看憐楚楚點拍頻敲碧玉釵
遣聲新擊花奴鼓堂上傳呼擲玉笙如嗔如喜太憨生
畫廊除卻調鸚鵡不許旁人喚小名小時同伴知何處

可憐枉被庸奴誤宛轉偏教信鴿媒艱難祇是隨鴉度
回首歡場舊事非青春惘惘惜芳菲一奩蠹粉拋歌扇
滿篋蟲絲絡舞衣舞衣歌扇添悽咽憔悴心情卹堪說
咫尺天涯泥憶雲徘徊歧路風吹雪天涯歧路隔紅牆
似海門深鎖綠楊多謝殷勤青鳥使竟將消息報王昌
得憐堂後重相見握手綈袍猶戀戀自分飛蓬去不歸
庸知弱絮團成片訴罷離悰思悄然竹枝難忘舊因緣
慵妝再整唬眉展又得洪厓共拍肩人生去住眞萍梗
眼底榮枯如泡影鳳泊鸞飄亦偶然蜂交蝶聚還俄頃
酒市茶檣豔羨多曉風殘月奈卿何好憑樂府傳佳話

付與旗亭麗者歌

雙硯齋詩鈔卷四終

雙硯齋詩鈔卷五

江甯 鄧廷楨

齋宿唐槐小榭

己卯

兀坐攤書對短檠
湛然襟抱見空明
愛才也使心多累
治獄翻嫌筆不平
香出唐花終覺淡
光生新月已能清
夜深羣籟虛堂寂
遙聽兒童課誦聲

醴泉道上簡何蘭庭刺史

兩行官柳散朝煙
正是輕寒助麥天
新時河山芳草外
昭陵弓劍白雲邊
幽居欲訪煙霞洞
踏水初分苜蓿田
咫尺揚州何水部
相思不見意迢然

陪祭唐昭陵禮成謹賦

九疊山色鬱崔嵬撥盡春雲寢殿開
蘭紙已隨金盃出駿圖猶帶玉花來
下方諸墓羅勳貴

當代精禪列鼎鬬創業貽謀誰論定
豐碑空爲剔莓苔
題吳荷屋觀察筠清消暑圖

鷗波亭子趙承旨玉版禪師蘇子瞻
諸老襟懷渾不俗况君書畫妙能兼
涼生几榻風雙袖綠到鬚眉月一簾
我亦琅玕森萬仞負他三徑雜蒼蒹

題唐氏姑媳節孝錄

蕭山有雙節汪氏兩賢母嫡庶共冰
檠彤史垂不朽桂

林有雙節唐氏姑與婦熒熒數十年徽音嗣前後吾謂
姑尤難曠代恐無偶宵征事君子戴髮甫十九年少分
復微安能歷長久甯知霜雪心誓以死相守顧此祿中
兒怒焉恆疾首撫孤備諸艱奈何孤不壽彼蒼亦云酷
生意已無有所欣子婦賢之死心共剖忍淚承卮匱飛
蓬事井曰人事一以瘁天意終不負

朝廷重節孝綽楔蟠螭繆三鳳鳴河東穆行敦孝友仲
氏隨計車捧檄仕關右豈不思白雲無奈羈墨綬祝君
勵清操藉以報高厚政成歸故鄉介眉進春酒

題羅抑山秀才石刻自書詩稿二首

庚辰

迅掃千人筆陣雄名齊羅隱噪江東詞章綺麗猶宮體
意旨溫柔是國風南海壯遊才始大北山歸卧格尤工
汪倫嚴武皆同調定有偏師併力攻

謂白也小秋兩茂才

琢肺嘔肝近卅年忍教過眼似雲煙若非內史蘭亭筆
豈稱東坡橘頌篇柔翰定偕貞石壽吟朋已作碎金傳
一言珍重君須記妙蹟還應手自鐫

李北海諸碑皆手自鐫刻所云黃仙

鶴伏苓芝皆無其人而託名也

題黑龍潭觀唐梅圖爲碩通守

慶

作四首

梅在滇相傳爲

開元

間植

鱗爪千年護此梅今時明月古時苔人從天寶談遺事

地向昆明認劫灰。虐雪饕風容易過。天桃穠李不須開。
蓬萊弱水曾清淺。疏影知他照幾回。

不染華清粉黛香。天南萬里獨投荒。風前羯鼓聲何急。
月下仙姝夢最長。老去魏徵真斌媚。生來宋璟好心腸。
相逢自結雲霞契。盡日無言欲坐忘。

青鞵布襪費探尋。雲滿空潭雪滿林。茶半香初高士約。
天寒日暮美人心。浮塵過客誰青眼。芳草靈祠自綠陰。
獨有使君吹鐵笛。聲聲低和水龍吟。

過盡韶光百五期。看花直到別花時。飛來元鶴垂垂老。
睡醒驪龍故故遲。寫照便兼懷古意。臨歧怕讀送春詩。

丹青已攝花魂去驛使無勞寄折枝

故平陸令陸公樟死難詩

公以平陸地震憂戚自經大吏入告得

旨贈同知廕一子爲縣丞

黃霧幢幢霽空起水脈山靈一時徙河流傾潑蛟龍驚
砥柱掀翻虎豹死東家勸走麀脫脊西鄰覆壓狼藉眠
魂膽墮地不得拾滿眼景物如黃泉神君顧此盡然痛
官命爲輕民命重崩角呼神神不聞一堂土木成何用
民生民死同凋殘拊膺一慟摧心肝不如官死爲民請
眞宰上訴心其安冤魄高飛骨僵立排闥數闔天應泣
聖主披章卹盡臣

封階任子

泥書涇吁嗟乎輿尸裹革紛疆場啣髮瞋目稱忠良見
危授命古亦有如公之事安可望吁嗟乎如公之事安
可望

喜徐星伯入關以詩迓之二首

投戈瀚海竟歸來琴未全焦燭未灰天要霜毫成地志

松湘圖相國欲作新臺
志適君至遂以屬焉

帝從雪窖老人才七年磨竭宮中坐萬里明駝塞上回
尙有書生豪氣在莫辭百罰覆深杯

憶昔相將踏五雲文壇史局未離羣

戊辰己巳間星伯
提調文穎館余提

調史館蓋無日不借也玉堂轉眼巢痕掃塵海驚心驛路分庚午夏余

既補外星伯亦於是秋視學湖南雞肋一官空絆我鴻泥雙印又逢君

好將樂府刀鐙信報與南徐逐客聞範川編修謫後主講海嶽書院近亦

不得其音耗矣

移碑行和吳荷屋觀察作

南海觀察今經師博學好古名當時出其餘事及金石藉以證史祛譌疑天與衣繡治鵠首漢唐碑碣蒐無遺南窺石門列炬入冥搜暗索窮嶮巖去年監試至省會郡學暇日來委蛇從遊賓佐各爾雅孔融吳質相追隨謂孔大令傳勛循牆彷彿見螭紐誠懸楷法光離離何吳大令曾貫

時寘此人不識坐令退谷空嗟咨屬我選地好位置曩
時故事繁可追宣和殿上龕禊帖京兆署裏藏雲麾我

承公命共商榷僉曰附之碑林宜萬年縣令作地主

謂咸

甯令沈君琮

佐以孔君推輓之扛如鈞鼎慮傾側護此拱壁

防磋廟嶧山不畏野火燒大石果有愚公移兩廡石經
屹相向亟命璫蠟和松脂鋒穎凌厲見蠶尾波磔隱約
尋蛛絲三千餘言半剝蝕存者千五百有奇舊說泐盡
不可拓斯言過當非信詞疾走告公色然喜相率往視
神爲怡憶昔初變元和腳筆正一語千秋垂軍容捧硯
立香案樞密拂紙鋪丹墀左規右矩妙結構內擲外拓

工設施殊恩特許作三體馨譽遂乃聞四夷從此墨瀋
徧京邑零璣片羽皆珍奇茲碑已晦忽復顯是有天事
非人爲按抄半日發高唱頗類玉谿歌韓碑坡公繼韓
咏石鼓我無其筆難爭馳請就碑陰刻公句好與茲碑
同寶如尊彝

望驢山

一峯如畫挂城邊萬木龍蔥欲化煙無復青雲籠別殿
空餘白石漱溫泉鐘魚冷落山依舊冠蓋逢迎事可憐
避暑未能偏觸熱笑儂塵鞅自年年

李松雲師惠寄祁陽葛君山茶賦謝

幕府材官至紗幘簡翰來天時方伏暑公意獨憐才小
把黃絲裏斜封白絹開一匳絺素展千片石花堆鶴觀
新牽蔓螺盤舊托菱秋風悟水早春雨洞庭纔漫叟居
邊采湘妃廟裏栽洛溪差伯仲蒙頂或輿僂鹿藿香成
幅蟬膏玉是胎翦餘煙冉冉烹出雪皚皚簾影鰕鬚映
泉聲蟹眼催薜蘿思挂月蓓蕾憶驚雷瘦骨涼先透枯
腸潤欲回著宜荷菱共清作茝蘭猜薄宦依秦樹平生
媿楚材感茲衣鉢意南望重徘徊

將次咸陽渡渭寒甚

野燒沿秦火殘瓢拓漢宮沙頭餘落日渡口正西風佔

船昏煙合官橋晚市通重裘假不熱思擁竹鑪紅

興平縣

曉入興平縣高原氣鬱蔥天容連好時地勢控扶風清
渭冰初合黃山雪未融馬嵬終古恨嘯盡杜鵑紅

良鄉道中

辛巳

清渠凍解碧鱗鱗老柳含穉尙未新卻憶江南煙雨裏
杏花已放幾分春

過定州

縹馬中山尙戴星侵尋曉色散林垆平沙直走渾沱白
遠岫遙連上谷青盆石祇今留雪浪鹽椎何處覓蘭亭

煎茶孤負花瓷好爲報郵籤不肯停

鄴城懷古

武昌南指走鋒車恰渡清漳訪鄴墟橫梁英雄原不忝
分香癡愛竟何如荒臺無復尋銅雀疑塚終難閱玉魚
帳裏歌聲江上酒東風一例劫灰餘

七夕雜感四首

人閒天上兩茫茫淡粉輕煙枉斷腸靈鵲可能填碧海
牽牛終是怨紅牆鐙前私語憑誰記指下么弦祇獨張
極目彩雲千萬疊卻教楚楚想衣裳

左界銀潢一道深風波湧斷小星沈空題瓊樹朝朝出

難說青天夜夜心
鸞鶴不聞歸玉佩
鴛鴦何處乞金鍼
畫堂清漏迢迢永
自把閒愁託素琴

樂府新翻古別離
微雲欲度尙遲遲
良緣莫話支機石
密意徒勞結網絲
無奈清歌傳子夜
可憐芳訊斷辛夷
金風玉露西崑句
原是千秋幼婦詞

中庭瓜果滿筵陳
拜罷天孫少一人
悄影朦朧隔煙霧
閒情黯淡數星辰
畫屏竟夕知無睡
團扇經秋漸有塵
逕欲乘槎問津去
桃花恐似武陵津

寄汪平甫

藉甚汪平甫
經年信不聞
依人久王粲
下第又劉蕡
詩

思青溪曲書名白練裙何時跨黃鶴來認漢川雲

金陵雜憶十首

萬竹園

鷗波亭子傍雲根繞屋參差翠有痕卻憶春風春雨裏
錦綳个个長兒孫

五官寺

步履南朝五官閣禪房花木劇清幽維摩畫壁今何在
不見當年顧虎頭

五松園

孫淵如先生故居
在明吳王舊內

荒草吳宮落日斜五松池館長秋花可憐詞客孫莘老

又作仙家蔡少霞

江光一綫閣

翠微亭鎖碧雲端下有胭脂古井寒忽聽鐘魚出林表
江光一綫恰憑欄

雞鳴寺

國初杜于
皇僑寓於此

臺城細雨溼黃昏岡阜逶迤帶白門行徧雞籠山下路
無人知有杜茶邨

莫愁湖

吾師山陰李松雲先生修
治亭榭作權歌三十首

莫愁湖水碧玻璃水檻風廊望欲迷一自山陰題詠後
權歌聲在藕花西

陶園

陶秀才文本所居
阮圓海故宅也

冰雪窩中書萬卷
主人長日守青氊
酒闌莫話興亡事
腸斷烏絲燕子箋

秦淮

長板橋頭月落遲
西風舊院柳絲絲
尊前白髮談天寶
最憶漁洋七字詩

尊前白髮談天寶
零落人間脫十娘
漁洋秦淮詩句

雨花臺

六代荒臺罷講經
萬家煙火各星星
何時更蠟南岡屐
重上秋風木末亭

隱仙庵

仙家樓閣冠飛霞金粟氤氲鬪月華那識遊人如織處
妙香冷落古梅花

哭松雲先生四首

弱冠登

朝後才名噪玉堂重臣唐節度前輩魯靈光詩購雞林

遠銘留熨道長

公會從征瞻對

側聞春雨句朗誦荷

先皇

公考試差詩春雨一聯爲賞追除雅州守

仁廟所召對時猶誦之

中外資敷歷堪垂汗簡青身行一萬里

公由成都守擢建昌道不二年

遂開府雲南

手寫十三經

恩命輝卿月

今春以三品卿用

內召

寒芒斂客星巫陽何太急

逕欲問蒼冥

說士甘於肉終童就試年愛余文曼衍對客話纏綿

公守

金陵試童子評余文云恍洋恣肆趣衍蒙莊輒向人誦之爨下桐音出尊前菱嗜偏

平生知己感少小識青蓮

一代風流盡銘旌黯素秋圃花香晚節官柳入新愁

已蛇年合魂應鶴市遊

公別墅在楓橋

羊曇多少淚落日向西

州

息夫人廟

月湖隄上柳煙斜寂寂靈祠鎖茜紗賸水殘山多少恨

春風依舊放桃花

登招鶴亭

亭在署內
黃鶴山頂

逶迤黃鶴山小園招之入嶙峋招鶴亭白雲放之出亭
高幾由旬古木翳蒙密秋風木葉下石骨露蒼質眼界
忽開朗煙靄淨若失大江來峨岷浩蕩浴白日估帆高
戢戢勢逼飛鳥疾頰眺漢陽樹寒翠不可拾平揖黃鶴
樓坐客如接膝安得乘長風沆瀣入呼吸

武昌詠古四首

銅琶高唱大江東雲物蒼茫一覽中橫槊自醺名士酒
披襟誰賦大王風壘荒起翦留秦蹟派別沱潛識禹功
重向九峯山上望汝南半壁鎮原雄

左徒文彩擅高華
沅芷湘蘭入望賒
弟子招魂詞九辯
先生作賦鼓三撾
愛才本不期黃祖
竝世誰能得景差
江上煙波何日盡
又教遷客去長沙

牙旗高建庾征西
夏口風煙望欲迷
樓外笛聲尋古洞
尊前帆影落寒谿
硯從道士磯邊得
碑向頭陀寺裏題
客去黃陵消息遠
春深時有鷓鴣啼

桃花鵝上快晴初
放眼江城畫不如
南浦草生春水外
西門柳老晚風餘
料無仙骨難乘鶴
賸有鄉心解食魚
逕欲重登稽古閣
好從假日讀奇書

小園夜坐

薄醉休辭酒一卮倚闌深坐夜寒時雲開瘦月纔窺戶
風定繁星盡在池楓葉無聲下斜徑菊花留影上虛帷
兒童初解歌銅雀自揀新題教咏詩

招鶴亭望大別山

我昔遊會稽探奇到禹穴今年駐武昌隔江望大別偉
哉明德遠曠代著鴻烈緬維漢水源嶧冢峙屹嶠東源
出氏道涓涓澄以澈西源逕葭萌滔滔不可輟滌澗過
三澨觸山始南折回首眺竟陵內方自穹絕茲山臨漢
上萬古波不囁或云在安豐地志存舊說楚濟漢而陳
二別各就列據茲定方位此案遂如鐵所以禹功祠春

秋薦毛血寥天縱遐矚江表獨秀傑下有漢陽城懷抱
如半玦冉冉瀕口雲皚皚郢門雪晴川白日盡芳草露
華結長風吹大江一覽散眼纈登臨信愉快疏鑿見施
設彷彿瞻楯櫓俛仰企前哲

與李鳳洲夜坐讀所作詩卽題卷後

鄂渚清霜夜西窗翦燭同酒因爲客減詩自過江工著
作尊班固

時方讀漢書

知交託孔融相期歲寒節吾道不終

窮

楚公鐘歌

楚公鐘二爲有周時楚故物宋政和間得之以

獻今皆不存阮芸臺宮保據所見拓本摹泐上
石龕之江漢書院壁間爲作此歌

高觀山削青芙蓉講堂謾謾鳴松風鵝湖鹿洞此支幹
我來訪古開心胸照眼何物發光怪壁間片石新磨礱
尙書欲存楚法物銘辭乙乙樞雙鐘雲斤月斧破冥晦
劇心鉅目驚愚憊一據德父金石錄嘉魚所獻苔花封
文十有四略可辨孫子永寶參笙鏞蘭陵觀察有拓本
字畫差小形模豐一據公弼石氏跋得自太平之湖中
爲文四十有二字語句缺舌書蠶叢諦視定爲熊狂作
考据鑿鑿豪芒窮薛氏頗疑楚公字

見薛尙功此論尙鐘鼎款識

未觀其通熊通一怒僭王號誦述猶自稱先公請君試

讀閼宮句魯公之號將毋同虞部亦疑石氏語謂歸邵

氏恐無從

見陳愚谷
工部跋語

我思靖康遘喪亂彝器大半隳妖

烽銅駝會已在荆棘石鼓豈不淪蒿蓬或自尙方入塵

世轉徙遂復來江東吁嗟此鐘歷萬劫天荒地老歸虛

空其詞則存器則杳坐使嗜古心忡忡往者陸終踞江

漢筆路籃縷開諸熊作鐘非徒託雷雨問鼎遽欲騰蛟

龍誰知轉眼忽秦代上蔡變古誇魁雄銷磨科斗作小

篆茲物幸未撓其鋒避秦不知有漢魏萬古韜晦如冥

鴻奈何閱世欲自見吐氣弈弈爭長虹東南花石充艮

嶽竟隨輦蓮登九重斯時八寶競符籙豈暇九廟徵瞽
矇姑與珍玩雜位置大慶殿耶迎真宮滄桑之際又墮
落繆醜豪奪真窮凶可憐再辱權奸手恨不奮擊勞靈
霤譬之丹徒有古鼎蒙垢乃遇分宜嵩從此沈埋不知
處百八無復傳琤琮銘文差喜未泯滅荆山漢水相舂
容摩挲著手不忍去圓景西下滄江紅蒲牢亂向野寺
吼一笑聒耳皆凡庸清霜淬壁氣凌厲古月入戶光朦
朧無聲之樂聲在紙不見寒芒作作飛上太白之中峯
月當頭放歌

鄂王城上雲夷猶鄂王城下風蕭颼雲開風定月卓午

玉盤湧處剛當頭江山城闕草樹頃刻悄無影但見茫
茫大地萬里晶光浮東有洪山嶽業之寶塔西有黃鶴
縹緲之飛樓北有侯瑱烽火之古戍南有黃祖鸚鵡之
芳洲老蟾居中一口快吸盡吞吐歎欲能使蛟龍愁斗
柄不轉銀漢不流烏鵲不飛長鯨不遊羣動屏息萬籟
寂姮娥凝睇開星眸大千世界忽見我忍寒孤坐披鶴
裘青山屋上流水屋下好官舍我來寄此如浮漚回思
堂堂四十七年內幾年得似今昔風光迺簫不須屬客
和酒不須與婦謀縹粉之杓花瓷甌舉頭與月相獻酬
對影三人造語本奇絕豈知此夜形影俱被冰輪收捉

月之魂飄泊呼不起祇有中峯卓立高比崑崙邱月乎
月乎宜向茲峯稍休憩莫使謫仙抑塞牢落無朋儔咄
哉月亦遊戲耳那識人世多煩憂文采誰屈宋割據誰
孫劉孰爲玉笛仙孰爲赤壁舟放眼此地擾擾皆蚍蜉
何況裊海之外有九州百年三萬六千日日日跳擲窮
遐陬瞬息明年又今夜三星行復來綢繆舉杯喝月月
不留歎然逕向滄溟投我猶掉首舉羅幃水銀瀉地霜
華稠扶醉起舞珊瑚鉤沈思朗嘯驚潛蚪

壁間懸小詩數幅皆春明朋舊手蹟也公餘循覽

如話平生隨意和之各效其體

和鮑覺生前輩題出獵圖

熊裘豹舄鷁鷁冠顧盼雄姿老據鞍小隊弓刀晴雪迴
平原狐兔朔風寒虎頭骨相封侯易馬革心情報國難
一劍如虹天外倚鬚眉莫作少年看

和錢恬齋前輩買鑑

短景逼崦嵫長至驗土炭寒鱗生古硯凍爪澀柔翰買
鑑雜疊洗添火置几案金精葆尙完土花蝕將半小炷
分繭絲微燄達犁旦博山樣頗工沈水香不斷暖如坐
南榮穆若直東觀對之攝心神藉以懲惕玩冉冉開瓶
梅重重押簾蒜迴環誦新詩良匠鑛能鍛

和潘紅茶同年采桑

羅敷出門去劇念春蠶飢黃金棄勿顧采采春風時陌
上筥筐早鏡中膏沐遲妾心愛冰繭去去謝青絲

和紅茶關山月

瀚海黃雲暮輪臺碧月寒可憐玉關遠都著鐵衣看贊
普思通款將軍議築壇一聲羌笛起回首望長安

和錢金粟學士唐昭陵石馬圖像

己卯春余守
西安陪祭昭

陵親見
此石

天上攀髯去不還房精誰爲鑿孱顏長楸深護鸞龍氣
蒼蘚平鐫虎豹斑生奉藥韉屯柏壁死隨弓劍傍橋山

潼關戰罷桃花汗猶在風鬟霧鬋間

和金粟秋草

玉鉤斜畔大隄邊淺淺疏疏不化煙南浦蘼蕪騷客去
西園胡蝶美人憐河梁日暮看羊地籬落霜清鬪蟀天
轉眼綠春消息近王孫歸去及新年

和陳範川翰林莫愁湖登勝碁樓三首

近郊迤邐入邨墟泛泛波光接綠蕪三月三山門外路
桃花春漲欲平湖

結綺臨春狎客吟可憐焦土傍江潯莫愁終比無愁好
留與湖名說到今

樓上山光落翠虛較他賭墅興何如東山絲竹人爭羨
折屐風流又姓徐

東坡生日同人禮像賦詩用公集中遊武昌寒溪

西山寺韻

公繫御史臺捫撫困讒口識字肇憂患纍臣傷白首九
死責黃州便旋信馬走城南築東坡自此名不朽渡江
遊西山瞻言好巒阜李委賦鶴飛陳慥悟獅吼岐亭赤
壁間往往得佳友彼哉亶定流譬若苗有莠茫茫七百
年此輩豕似壤惟公生氣在寒泉薦常有展拜笠屐圖
光照雲夢藪籛實元脩茶瓶供君猷柳近揖捉月仙遠

招拾橡叟羞以槎頭餽醑以眞一酒呈詩代尸祝刻意
脫窠臼公文如太羹請勿笑藜糗

歲暮書懷四首

問俗來江漢經年媿此官

朝廷求治切身世報

恩難閱事關憂樂平情劑猛寬眼中生意滿收入寸心
看

形勝茲邦好風雲變態殊江聲流漢沔山氣入夔巫文
物仍遵軌卑泖已減租會看民樂只比戶醉屠蘇

園林頗清暇乘興倘登臨招鶴孤亭小尋梅一徑深閒

情殊落落春意劇駸駸欲補千竿竹風來聽鳳吟
靜坐觀元化恩恩歲月過催人兒女大爲客弟兄多況
味齏能慣年華墨共磨幾番開口笑所幸是時和

雙硯齋詩鈔卷五終